

IN THE HIGH COURT
REPUBLIC OF THE MARSHALL ISLANDS


Lucky Juda,)
)
Plaintiff,)
)
vs.)
)
Hoseia Joseiha,)
)
Defendant.)
_____)

H/C Civil Action No. 2000-025

OPINION

FILED

MAY 09 2007


KALEMEN JINUNA
ASSOCIATE JUDGE
REPUBLIC OF THE MARSHALL ISLANDS

High Court Civil Action No.2000-025, ear jino koman ronjake eo an iman court eo an manit Traditional Rights Court (TRC) ilo courthouse eo ilo Uliga, Majuro Atoll, Republic of the Marshall Islands, ilo April 3 ran im jemlok ilo April 11, 2007. Ro rar jijet ilo panel eo an court in an manit rar Honorable Berson Joheph, Chief Judge, Honorable Botlang Loeak, Associate Judge im Honorable Kalem Jinuna, Associate Judge.

Case in, High Court Civil Action No. 2000-025, ear itok non court in an manit non an etale abonono eo ikotan party kein. Meinin konono eo elab ilo case in ej, **kin won eo ekkar bwe en kabjer maron eo an dri jermal ilo Monunnar Weto ion Bikini Atoll, im jidrikin turok in Kili Island.** Case in elab an ritto, eor lalem (5) year ritton.

Court in an manit ej kwalok lemnak eo an ikijien case in, bedbed wot iumin manit in Majol. Elab an court in kile aurok eo an manit im ijo **kunan** non bukot mejlan ta eo ejimwe im emmantata non party kein ilo ejelok lemnak in jeb non juon ian party kein ilo case in.

I. **ABNONO EO:**

- a) Kajitok No. 1 einwot kar jakemantak: Won eo ekkar bwe en kabjer

maron eo an dri jermal ilo Monunnar Weto ion Bikini Atoll, im
jidrikin-tu-rok ilo Kili Island?

- b) Uwak eo non kajitok No. 1: Mr. Lucky Juda.
- c) Komlele ko ilo tu-kadu ikijien un ko non uwak eo an kajitok

No. 1 ej bedbed ioer:

1. Plaintiff's Exhibit #2 - Land Ownership of Bikini Field Station.

Ekkar non naan in kamool ko an dri abonono eo, ear jirontok
court in ke ilo kar juon tore, aolep emman in Bikini rar etal
non ailing eo, ekoba Mr. Hoseia Joseiha kab e, Lucky Juda.
Unin ilok eo air non Bikini bwe ren jonwe im komon kakolle
ikotan eem, im won ro rej dri jolet ilo kajjojo weto ko ion
Bikini Atoll. Ear bareinwot jirontok court in ke elap an emon
im aurok men eo rar komone kinke ro nejier im jibwier ilo
ebeben in ren jela ia ko jikier.

Etal eo non Bikini ear jab non komon wot boundary
line ko ikotan eem non eem, ak bwe ren bareinwot jela won
ekkar bwe en kabjer maron ko an alap im dri jermal ilo weto
ko kajjojo ion Bikini Atoll. Monunnar Weto, eo jej konono
kake ilo case in, ej imon Joseph einwot an likao ro rar ilok non
Bikini ba, kab an council eo an Bikini kemlet kake. Eindrein
an dri abonono eo jirontok court in. Melele kein emwij air
recorded ilo book ko an Bikini Atoll.

Menmenbwij ne an Joseph (Plaintiff's Exhibit #3, ej make kalikkar ke ekar ejelok nejin. Ak ej baraeinwot mool bwe ewor jein im jatin, botab ejelok air maron ion Monunnar Weto konke ebar wor jikier make. Ro jein im jatin rejjab maron bok jikin elane enaj mij.

Joseph ewor ruo an make kokkajiriri, Lucky Juda, kab Jeladrik. Aolep armij in Bikini jela im melele bwe Lucky Juda ej an Joseph kokkajiriri. Jen ien eo Joseph ear jako kin kilan mij, Lucky Juda ear jino bok kolla ko an Monunnar Weto. Joij im lale Plaintiff's Exhibit #1 kab 2.

II. ETAN IM ADDRESS KO AN DRI KAMOL RO AN DRI ABONONO:

1. Jack Nidenthal - Ajeltake
2. Lucky Juda - Long Island
3. Boaz Kilon - Utidrik-kan

III. DRI JUMAE ABNONO EO:

Ewor emen (4) alen an court in an manit (TRC) kur non koman ronjake ko ikijien case in, ak ejelok ar jedretok. Un eo, kinke Dri Jumae Abnono eo ear jab jedretok non ien ronjake ko. Emaron kinke elap an ritto im ej bed ilo an naninmij. Ejelok ian ro otemjej nukin ear kelete bwe en maron konono ilo etan. Ejelok an witness, kab an kein kamool ko renaj kar maron jibane ilo kottobar eo an. Kin wot an defendant in naninmij im jab maron makitkit, lawyer eo an, Mr. Russel Kun jen office eo an Public Defender, **EJANIN KAR MARON IION CLIENT EO AN** juon alen bwe en bok an melele jene, ne ear wor. **Ak ear jab!!** Ilo mool, case in ear wonmanlok

wot im koman mene ar jako defendant Hoseia Joseiha.

Ilo ien ronjake eo an case in, counsel eo an defendant ear kwalok **an jab erra** ilo kein kamol eo an Plaintiff's Exhibit #2. "Un eo, kinke Honorable Eldon Note ear jab signed," eindrein an kar ba. Emool ear jab signed, ak etke ear jab? Elane ewor un ko remon bwe en kar jab signed, inem elikjab side eo an defendant non an kemleleik court eo an manit.

Kein kamol eo an Planitiff ej annanin (copy) in original Exhibit #2. Ejja document in wot, ak Honorable Mayor eo mokta an Kili, Bikini im Ejit, Mr. Tamaki Juda ear signed. Mr. Tomaki Juda ej kio Senator eo an ailing kein jilu (3), Kili, Bikini im Ejit. Dri Abnono eo ear jab introduced ak filed-e original exhibit #2 eo emwij an former Mayor Tamaki Juda signed-i.

Im mene Plaintiff's Exhibit #2 **ear signed ak jaab**, ak court in an manit ej kile bwe ro uwan council im community eo an Kili, Bikini im Ejit rejela ta eo rej komone, rejela lik'm-man!


KIO, KIN MENIN, ekkar non manit in Majol im bedbed wot ion melele ko ilo case in, court in an manit ej bar juon alen kwalok an lemnak einwot in bwe:

Mr. Lucky Juda, ej **Dri Jerbal** eo an Weto Monunnar, Bikini Atoll.

Dated: _____



Berson Joseph, Chief Judge, TRC



Botlang Loek, Associate Judge, TRC



Kalemén Linuna, Associate Judge, TRC